



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU POLITIČKE ORGANIZACIJE „NEZAVISNI BLOK“

Broj: 03-07-6-268/20
Sarajevo, 14.09.2021. godine

SADRŽAJ

1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda.....	5
Cilj pregleda i kontrole.....	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije „Nezavisni blok“ za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Politička organizacija „Nezavisni blok“ prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka,

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije „Nezavisni blok“ za 2019. godinu.

Pregled i kontrola finansijskih izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Politička organizacija „Nezavisni blok“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	18.369,41	6,10
2.	Prilozi fizičkih lica (3-a)	1.012,80	0,37
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	281.230,76	93,53
8.	Prihodi od propagande (3-g)	0,00	0,00
I	Ukupni prihodi (1-8)	300.614,54	99,97
II	Ostali prihodi i drugo	1,57	0,00
	Izvori finansiranja (I+II)	300.614,54	100,00

U godišnjem finansijskom izvještaju za 2019. godinu Politička organizacija „Nezavisni blok“ iskazala je rashode u iznosu od 272.938,59 KM.

2. PREDSTAVLJANJE POLITIČKE STRANKE

Naziv političke stranke je Politička organizacija „Nezavisni blok“. Skraćeni naziv stranke je NB.

Politička organizacija „Nezavisni blok“ je registrovana kod Općinskog suda u Sarajevu, Rješenjem broj: 065-0-f1-17-000017 od 27.10.2017. godine, sa sjedištem u ulici Dolina broj 11. Rješenjem istog suda, broj: 065-0-F1-19-000004 od 11.11.2019. godine promijenjeno je sjedište političke stranke.

Sjedište političke stranke je u Sarajevu, Vilsonovo šetalište 10.

Lice ovlašteno za predstavljanje i zastupanje stranke je Senad Šepić, predsjednik stranke.

Lice ovlašteno za podnošenje finansijskih izvještaja za 2019. godinu je Edina Pijalović.

Prema podacima iz godišnjeg finansijskog izvještaja za 2019. godinu, Politička organizacija „Nezavisni blok“ ima sljedeću organizacionu strukturu:

- Centrala PO NB,
- Kantonalni odbor PO NB u Zenici i
- Kantonalni odbor PO NB u Bihaću.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda je godišnji finansijski izvještaj Političke organizacije „Nezavisni blok“ za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Političke organizacije „Nezavisni blok“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Političke organizacije „Nezavisni blok“ u periodu od 2017. do 2018. godine, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Političke organizacije „Nezavisni blok“ za 2018. godinu, izdat je izvještaj o pregledu sa mišljenjem revizora, nalazima i preporukama stranci da program utroška sredstava sačinjava u formi koja obezbjeđuje transparentnost planiranog trošenja sredstava i da finansijska sredstva obezbijedena za finansiranje stranke troši u skladu sa svojim programom, da se ne finansira iz izvora koji su zabranjeni ovim Zakonom, da uspostavi pravilne evidencije o rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da postupa u skladu sa podzakonskim aktima koje donosi Centralna izborna komisija BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Politička organizacija „Nezavisni blok“ nije ispoštovala sve preporuke.

5. NALAZI I PREPORUKE

5.1. NALAZI

a) Politička organizacija „Nezavisni blok“ prekršila je odredbe člana 4. stav (1)¹ Zakona o finansiranju političkih stranaka.

U skladu sa odredbama iz člana 4. stav (1) Zakona o finansiranju političkih stranaka, stranka je obavezna sačiniti program utroška sredstava za svaku kalendarsku godinu, te u skladu sa istim sredstva koristiti isključivo za ostvarivanje ciljeva utvrđenih svojim programom i statutom.

Aktom Centralne izborne komisije BiH, broj: 03-07-6-129/19 od 12.02.2019. godine, kojim je Politička organizacija „Nezavisni blok“ obaviještena o obavezi podnošenja godišnjeg finansijskog izvještaja za 2018. godinu do 31.03.2019. godine, od političke stranke je zatraženo da dostavi program utroška sredstava za 2019. godinu. Politička stranka nije postupila po navedenom zahtjevu

¹ Prema odredbama člana 4. stav (1) Zakona o finansiranju političkih stranaka, finansijska sredstva iz člana 3. stav (1) navedenog Zakona stranka može koristiti isključivo za ostvarivanje ciljeva utvrđenih svojim programom i statutom.

Centralne izborne komisije BiH, odnosno u toku 2019. godine nije dostavila program utroška sredstava.

Tokom kontrole godišnjeg finansijskog izvještaja za 2019. godinu, a na zahtjev Centralne izborne komisije BiH stranci, broj: 03-07-6-268-2/20 od 21.08.2020. godine, da dostavi dodatnu dokumentaciju, kojim je ponovo traženo da dostavi program utroška sredstava, politička stranka je uz dodatnu dokumentaciju dostavila akt, od dana 01.09.2020. godine, u kome navodi da dostavlja Program utroška sredstava za 2019. godinu. Tokom kontrole finansijskog izvještaja, politička stranka je, nakon i trećeg upućenog zahtjeva da dostavi program utroška sredstava za 2019. godinu, isti dostavila 15.07.2021. godine, kao dokument na kome je navedeno da je donesen 14.12.2018. godine.

- (1) Uvidom u program utroška sredstava utvrđeno je da je Politička organizacija „Nezavisni blok“ planirala ukupne troškove u iznosu od 275.500,00 KM.

Politička stranka je u godišnjem finansijskom izvještaju za 2019. godinu iskazao ukupne rashode u iznosu od 272.938,39 KM.

Uvidom u strukturu ostvarenih troškova, utvrđeno je da je politička stranka mimo programa utroška ostvarila troškove u iznosu od 43.074,49 KM.

- Svojim programom utroška sredstava, stranka je planirala troškove zakupa poslovnih prostora u iznosu od 25.000,00 KM, dok je u godišnjem finansijskom izvještaju ove troškove iskazala u iznosu 36.007,40 KM, što je za 11.007,40 KM više od planiranog iznosa.

Takođe, stranka je svojim programom utroška sredstava planirala troškove naknada za službena putovanja u iznosu od 10.000,00 KM, dok je pregledom godišnjeg finansijskog izvještaja, utvrđeno da su pomenuti troškovi iznosili 10.604,41 KM, što je za 604,41 KM više od planiranog iznosa.

- Politička stranka svojim programom utroška sredstava nije planirala troškove, koje je u 2019. godini ostvarila u iznosu od 31.462,68 KM i to: troškove stipendija u iznosu od 15.600,00 KM, troškove usluga u iznosu od 6.476,70 KM, troškove knjigovodstvenih usluge u iznosu od 5.009,50 KM, troškove platnog prometa u iznosu od 2.373,40 KM, troškove ostalog materijala u iznosu od 1.096,70 KM, troškove obezbjeđenja u iznosu od 299,52 KM, troškove sitnog inventara i auto guma u iznosu od 361,86 KM i troškove stručnih publikacija i časopisa u iznosu od 245,00 KM.

- (2) Na osnovu ugovora o djelu, po osnovu kojih je Politička organizacija „Nezavisni blok“ ostvarila troškove u iznosu od 85.738,45 KM, od čega su neto isplate fizičkim licima u iznosu od 63.610,00 KM i isplate za porez i doprinose na ličana primanja u iznosu od 22.128,45 KM, nije moguće pouzdano utvrditi da li su sredstva utrošena isključivo za finansiranje stranačkih aktivnosti.

Uvidom u ugovore o djelu, na osnovu kojih su funkcionerima političke stranke isplaćena sredstva u neto iznosu od 60.100,00 KM, nije moguće pouzdano utvrditi koje su usluge ugovorene i u kom obimu su pružene² političkoj stranci.

Na osnovu navedenog, utvrđeno je da je Politička organizacija „Nezavisni blok“ prekršila odredbe člana 4. stav (1) Zakona o finansiranju političkih stranaka.

² Ugovorima o djelu, po osnovu kojih su funkcionerima političke stranke isplaćena sredstva u iznosima od 500,00 KM do 9.500,00 KM nisu jasno precizirane vrste usluga kao i njihov obim, te je za iste usluge stranka isplaćivala naknade u različitim iznosima.

b) Politička organizacija „Nezavisni blok“ prekršila je odredbe člana člana 11. stav (1)³ i člana 12. stav (1)⁴ i (4)⁵ Zakona o finansiranju političkih stranaka.

Pregledom godišnjeg finansijskog izvještaja i druge finansijske dokumentacije, utvrđeno je da politička stranka nije vodila poslovne knjige u skladu sa računovodstvenim propisima, nije uspostavila potpune i tačne evidencije o svojim rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Stranka nije obrasce godišnjeg finansijskog izvještaja za 2019. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

- (1) U godišnjem finansijskom izvještaju, koji je podnijela Centralnoj izbornoj komisiji BiH, politička stranka je, na obrascu 1.1 (Opći podaci o političkoj stranci - teritorijalna organizacija političke stranke), u okviru organizacione strukture navela: Centralu stranke u Sarajevu, kantonalni odbor stranke u Zenici i kantonalni odbor stranke u Bihaću.

Uvidom o podatke o finansiranju političkih stranaka iz budžeta svih nivoa vlasti, kao i kontrolom prometa izvoda sa transakcijskih računa političke stranke, utvrđeno je da je stranka osim prihoda koje je ostvarila iz budžeta Zeničko-dobojskog kantona i Unsko-sanskog kantona, ostvarila prihod iz Srednje-bosanskog kantona, Bosansko-podrinjskog kantona i Općine Gračanica, što potvrđuje činjenicu da Politička organizacija „Nezavisni blok“ u finansijskom izvještaju nije prijavila sve organizacione dijelove.

Takođe, uvidom u ugovore o zakupu poslovnih prostora, utvrđeno je da je politička stranka koristila poslovne prostore u dvije općine Zeničko-dobojskog kantona (Tešanj i Zavidovići) i gradu Mostaru, što potvrđuje činjenicu da je osim kantonalnih odbora imala i općinske, odnosno gradske odbore.

Pregledom ugovora o djelu koje je stranka sklapala sa fizičkim licima tokom 2019. godine, utvrđeno je da su izvršitelji za stranku vršili usluge provođenja aktivnosti vezanih za tehničku realizaciju, organizacijske, analitičke i administrativno-tehničke poslove i za druge organizacione dijelove stranke, i to za: kantonalne odbore u Goraždu i Sarajevu, regionalni odbor u Banja Luci, gradske odbore u Zenici i Visokom i općinske odbore u Novom Sarajevu, Zavidovićima, Kakanju, Tešanju, Cazinu i Ilijašu.

S obzirom da u svom finansijskom izvještaju nije prijavila kompletnu organizacionu strukturu, politička stranka je prekršila odredbe člana 10. Pravilnika.

- (2) U godišnjem finansijskom izvještaju, koji je podnijela Centralnoj izbornoj komisiji BiH, politička stranka je sve troškove, osim troškova Kantonalnog odbora stranke u Zenici u iznosu od 2.111,62 KM (rashodi prethodnih godina u iznosu od 4,62 KM, troškovi ugostiteljskih usluga u iznosu od 1.680,00, ugovori o djelu u iznosu od 350,00, troškovi ostalog materijala u iznosu od 40,00 KM i troškovi platnog prometa u iznosu od 37,00 KM) iskazala kao troškove Centralnog ureda stranke u Sarajevu. Obzirom da sve troškove nije iskazala po organizacionim dijelovima, politička stranka je prekršila odredbe člana 22. Pravilnika.
- (3) Pregledom finansijske dokumentacije je utvrđeno da potvrde, koje je stranka izdala fizičkim licima od kojih je primila članarine u iznosu od 18.369,41 KM i priloge u iznosu od 1.012,80 KM ne

³ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁴ Politička stranka vodi evidenciju o svojim prihodima i rashodima.

⁵ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

sadrže dio podataka propisan članom 6. Pravilnika, odnosno ne sadrže podatke o broju ličnog dokumenta, adresi i mjestu njihovog prebivališta⁶.

- (4) Politička organizacija „Nezavisni blok“ u poslovnim knjigama i godišnjem finansijskom izvještaju nije iskazao tačne podatke o rashodima, čime je prekršila računovodstvene propise i odredbe člana 21., 22. i 23. Pravilnika.

U poslovnim knjigama i godišnjem finansijskom izvještaju Politička organizacija „Nezavisni blok“ je iskazala troškove zakupa poslovnih prostora Centrale stranke u iznosu od 36.007,40 KM. Pregledom ugovora o zakupu poslovnih prostora koje je stranka dostavila, utvrđeno je da su troškovi zakupa u skladu sa ugovorenim cijenama zakupnine tokom 2019. godine iznosili 33.706,80 KM, što je za 2.300,60 KM manje od iskazanog iznosa.

U godišnjem finansijskom izvještaju, koji je podnijela Centralnoj izbornoj komisiji BiH, politička stranka je sve troškove zakupa poslovnih prostorija, iskazala kao troškove Centralnog ureda stranke u Sarajevu, a ne po organizacionim dijelovima, čime je prekršila odredbe člana 22. Pravilnika.

Politička organizacija „Nezavisni blok“ u godišnjem finansijskom izvještaju nije iskazala troškove zakupa poslovnih prostora drugih organizacionih dijelova, koji su prema ugovorima o zakupu koje je dostavila stranka, iznosili 9.931,80 KM.

- U godišnjem finansijskom izvještaju stranka nije iskazala troškove zakupa poslovnog prostora u Gradu Goražde, dok je na osnovu ugovora o zakupu zaključenim sa fizičkim licem Azirom Zecom od 29.03.2019. godine, utvrđeno je da su isti iznosili 2.800,00 KM.

- Pregledom godišnjeg finansijskog izvještaja, utvrđeno je da stranka nije iskazala troškove zakupa poslovnog prostora u Općini Tešanj, dok je uvidom u ugovor o zakupu zaključenim sa fizičkim licem Elinom Kantić od 01.02.2019. godine, utvrđeno je da su isti iznosili 3.850,00 KM.

- U godišnjem finansijskom izvještaju, stranka nije iskazala troškove zakupnine poslovnog prostora u Gradu Bihać, dok je uvidom u ugovor o zakupu poslovnog prostora, od 29.03.2019. godine, zaključenim sa Halimom Stupac, utvrđeno je da su ovi troškovi iznosili 2.250,00 KM.

- Politička organizacija „Nezavisni blok“ u godišnjem finansijskom izvještaju nije iskazala troškove zakupa poslovnog prostora u Općini Zavidovići, dok je uvidom u ugovor o zakupu poslovnog prostora od 30.10.2019. godine, zaključenim sa Adnanom Halilovićem, utvrđeno je da su ovi troškovi iznosili 400,00 KM.

- Takođe, Politička organizacija „Nezavisni blok“ nije iskazala troškove zakupa poslovnog prostora u Gradu Mostaru, dok je uvidom u ugovor o zakupu poslovnog prostora, broj: 1077-1/18 od 04.04.2018. godine, zaključenim sa JP „Željeznice Federacije BiH“, utvrđeno je da su ovi troškovi iznosili 631,80 KM.

- (5) Pregledom finansijske dokumentacije političke stranke, utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene

⁶ Politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

(kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovu kojih je politička stranka evidentirala i platila troškove propagande, u iznosu od 6.457,00 KM ne predstavljaju ispravne i vjerodostojne knjigovodstvene isprave.

Uvidom u račune pravnih lica „KKDD“ d.o.o. Sarajevo, broj: 039/09 od 11.04.2019. godine u iznosu od 333,45 KM i broj: 041/019 od 12.04.2019. godine u iznosu od 830,70 KM, „Printing“ d.o.o. Sarajevo, broj: 127/2019 od 29.07.2019. godine u iznosu od 526,50 KM, „Grafo - Štampa“ d.o.o. Gračanica, broj: 168/19 od 28.08.2019. godine u iznosu od 600,00 KM, „EBBE comms“ d.o.o. Sarajevo, broj 194/19 od 22.11.2019. godine u iznosu od 2.000,00 KM, „A-print“ d.o.o. Zenica, broj: 012/2019 od 18.01.2019. godine u iznosu od 409,50 KM, „Agencija „Aligo“ d.o.o. Ilidža, broj: 37/19 od 12.04.2019. godine u iznosu od 511,29 KM, i „Eurocopy“ d.o.o Zenica, broj: 075/19 od 26.06.2019. godine u iznosu od 230,00 KM, broj: 063/19 od 14.05.2019. godine u iznosu od 384,93 KM i broj: 038/19 od 01.04.2019. godine u iznosu od 630,63 KM, utvrđeno je da pomenuti računi nisu potpisani od strane korisnika usluga, niti je potvrđen prijem promotivnog materijala.

- (6) Politička organizacija „Nezavisni blok“ u poslovnim knjigama nije uspostavila tačne evidencije o svojim obavezama, čime je prekršila računovodstvene propise. U finansijskom izvještaju, na obrascu 5 (*obaveze političke stranke*), obaveze nije prijavila u skladu sa odredbama člana 24. Pravilnika.

U poslovnim knjigama i godišnjem finansijskom izvještaju stranka je evidentirala svoje obaveze na dan 31.12.2019. godine prema pravnom licu „GP ŽGP“ d.d. Sarajevo u iznosu od 33.185,56 KM.

Prema podacima pravnog lica „GP ŽGP“ d.d. Sarajevo, odnosno analitičkim karticama potraživanja ovog pravnog lica od političke stranke, obaveze Političke organizacije „Nezavisni blok“ na dan 31.12.2019. godine iznosile 35.551,72 KM.

Na zahtjev Centralne izborne komisije BiH političkoj stranci da dostavi Izvod otvorenih stavki sa ovim dobavljačem na dan 31.12.2019. godine, stranka je dostavila pomenuti dokument sa stanjem njenih obaveza na dan 30.01.2020. godine. Prema ovom dokumentu obaveze stranke prema pravnom licu „GP ŽGP“ d.d. Sarajevo na dan 30.01.2020. godine iznosile 9.295,87 KM⁷.

5.2. PREPORUKE

Preporučuje se Političkoj organizaciji „Nezavisni blok“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava i isključivo u svrhu ostvarivanja ciljeva političke stranke,***
- ***da poslovne knjige vodi u skladu sa računovodstvenim propisima, odnosno da uspostavi tačne evidencije o rashodima i obavezama,***
- ***da obrati pažnju na ispravnost i vjerodostojnost knjigovodstvenih isprava,***
- ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i***
- ***da pogram utroška sredstava Centralnoj izbornoj komisiji BiH dostavlja u datom roku.***

⁷ Na osnovu IOS-a i finansijskih kartica pravnog lica „GP ŽGP“ d.d. Sarajevo, utvrđeno je da je ovo pravno lice 30.01.2020. godine storniralo svoja potraživanja od Političke organizacije „Nezavisni blok“ u iznosu od 26.255,85 KM, pa su obaveze stranke prema ovom dobavljaču na dan 30.01.2020. godine iznosile 9.295,87 KM.

KOMENTAR:

U ostavljenom roku, Politička organizacija „Nezavisni blok“ se očitovala na Preliminarni izvještaj o pregledu godišnjeg finansijskog izvještaja za 2019. godinu, ali bez dostavljanja relevantnih dokaza. U svom očitovanju politička stranka objašnjava da razvoj stranke nije adekvatno pratio definisani Plan utroška sredstava, s obzirom da su se organizacione jedinice uspostavljale i razvijale nesrazmjerno i uglavnom bržom dinamikom od planiranog, uz napomenu da će se organizacijsko poslovanje stranke, podići na veći nivo kako bi stvorile pretpostavke za dobrim planiranjem i trošenjem finansijskih sredstava.

Pomoćnik revizora

Mr.sc Goran Cicović

Šef Službe za reviziju, revizor

Mr.sc. Hasida Gušić